



陋巷誌卷五

碑記

顏樂亭記

蘇軾

存於

陋巷在孔廟東北三百餘步巷之北有井世傳云  
顏井宋熙寧間嘗構亭井之地命之曰顏樂亭蘇  
氏作記曰顏子之故居所謂陋巷者有井存焉膠  
西太守孔君宗翰始得其地浚治其井作亭於其  
上命之曰顏樂亭昔孔子以簞食瓢飲賢哉顏子  
而韓子廼以為哲人之細事何哉蘇子曰君子之  
於人也必於其小者觀之自其大者容有偽焉人



能碎千金之璧不能無失聲於破釜能搏猛虎之  
暴不能無變色於蜂螫孰知簞食瓢飲不改其樂  
爲哲人之大事乎乃作顏樂亭記以遺孔君正韓  
子之說且以自警云天之生民爲之鼻口美者可  
嚼芬者可嗅美必有惡芬必有臭我無天遊六鑿  
交聞驚而不反跬步商受美哉我師安在微陋渺  
然其身中亦何有孟賁股慄虎豹却走我求至樂  
千載無偶飄然從之忽然在後

重脩亞聖兗國公廟記

齊景公富有千駟之馬民無德而稱焉伯夷叔齊

餓于首陽之下民到於今稱之顏子貧居陋巷之  
中一簞食一瓢飲人不堪其憂孔子賢之何哉蓋  
在昔以德行獨冠於四科以好學常存於一心遊  
於聖人之門欲深造聖人之道得一善則拳拳服  
膺不失當時洙泗之間杏壇之上濟濟然三千之  
徒顯顯然七十之賢無能出其右者可謂絕倫離  
類宜乎後世稱爲亞聖嗚呼其人遠矣吾不得而  
見之矣其廟貌雖存殿宇頽廢仰而觀之虛簷罅  
缺鳥鼠多至矣俯而視之故壁傾摧風雨難蔽矣  
今幸遇明天子啓運龍飛天位崇儒重道宣文教



以彰化明昌建元之初以肆告之恩頒行於天下  
一應故廟隳廢者仰所在官司檢料脩完明昌二  
年春本縣檢計斯廟方行規措以文宣王廟縣官  
監脩功尚未畢不暇給明昌四年冬十月方始經  
營擇吉日命良匠揮斧斤治材木作之者翼翼築  
之者登登或仍舊以脩完或作新而新建正殿屹  
然而所立卓爾四簷崇起而如翬斯飛其制度也  
簡省其規模也宏遠雖無山節藻稅之華侈刻鏤  
雕文之奇巧梁棟堅固可歷年久門扉軒牖加葺  
以整嚴堦砌垣墉增脩而具備再飾塵埃之故像  
重增黼藻之光華廟宇一新燦然罔有不完矣究  
此鳩工之匪易至於改歲以方成計營造費用之  
不輕係國帑泉流而支給非出於民也既而告成  
念無文以紀之將何以垂於久遠吾屬經營締構  
之難後孰明者迺命治石委進士穆昌世為記自  
愧無學素不善記然嘗觀古人之作記者皆以其  
事之實者書之是故為紀其興作歲月之首末誌  
其營建成全之勞效雖不學具道實事又何愧焉  
記其畧矣仍繫以辭曰猗歟子淵德行純全聞一  
知十天性超然有過不貳或怒不遷好學進善服



膺拳拳企慕聖道鑽之彌堅簞瓢自樂孔子稱賢  
克己復禮為仁是先苗而不秀良可惜焉故廟增  
葺曄後光前寫之琬琰以永垂傳

明昌五年歲次甲寅三月望鄉貢進士穆昌世記

元勅賜先師兗國復聖公新廟碑銘

曲阜孔廟東北三百餘步有地曰陋巷顏子故宅  
在焉皇元元貞間有司除地泮井復顏樂亭板築  
以表疆理大德末舊廟寢壞江南行臺監察御史  
段傑建言顏廟繕脩官當供億其費中書是其議  
移濟寧路徙廟於故宅以官儲中統楮幣四萬餘

緡初置之計其用不給則又益以六千緡檄兗州  
長貳督治之以泰定三年八月鳩工正廟為楹六  
東西屋為楹各四二代魯大夫歆三代魯大夫儉  
咸具祠事南為神門門之前是為顏樂亭既而以  
為隘乃即亭為門門之前為井齋舍神厨俱以序  
設廟之塘南北長百餘步東西廣八十餘步崇墉  
言言古檜沃若丹雘煥然至順元年冬十一月望  
落成自舊廟遷像居焉先是有詔增封兗國公復  
聖之號元統二年又改封考曲阜侯為杞國公謚  
文裕追封妣齊姜氏為杞國夫人謚端獻夫人戴



氏克國夫人謚貞素又割益都鄒縣牧地三十五頃征其歲入以給常祀暨廟成特賜之碑於是褒崇之禮大備於聖朝蓋歷代之所未有也臣玄嘗紬繹父師之說三五聖時宇宙正氣生聖間氣生賢其生也聰明睿智富貴福澤萃於其身故出而任君師之責居輔相之位姬轍既東光嶽氣分聖賢之生斯時若孔子之不得位顏子之不得年君子於此可以觀氣化之盛衰焉故孟子於其篇終歷叙堯舜禹臯陶湯伊尹萊朱文王太公望散宜生至於孔子見知聞知之盛推前例後則孔子之

世顏子宜在見而知之之列何爲其不及也蓋知之爲言非獨指道統也聖人神化致用之妙所謂化而裁之謂之變推而行之謂之通舉而措之天下之民謂之事業者在乎其中矣孔子既不得位以行其道則顏子不得見其推行之效孟子不得聞其舉措之方兩言無有乎爾者孟子因以歎已之不遇也雖然此非聖賢之不幸乃當世之不幸也抑天不使之幸當世而使之幸萬世焉斯道之用凡載於易詩書春秋禮樂之書萬世之下爲君爲臣有志於斯皆可以興起於見聞之表是斯世



斯民無一日而不被澤也是以功不在前數聖賢  
之下而祀事之盛亦非前數聖賢之所可及者歟  
新安朱氏熹釋此章援子貢之言文武之道未墜  
於地在人賢者識其大者不賢者識其小者淵乎  
旨哉銘曰維地承天維月遡日維顏學孔並世同  
出天地貞觀日月貞明孔顏之道維一之貞用舍  
行藏同有其有四代禮樂見諸授受不惰不違退  
省不愚生期助我沒歎喪予畏匡之難盡瘁猶父  
惟在之從逝將千古曲阜遺墟孔廟奕奕陋巷新  
廟維顏故宅於赫我元治軼百世崇顏考妣封及  
其儼金絲洋洋式爾將聖或祠之專或侑之盛舊  
井不改昔泥今冽王明用汲受福不竭臣玄作詩  
告厥成功播之貞石以佐瞽矇

至正九年歲次己丑十一月壬午翰林學士承旨  
榮祿大夫知制誥兼脩國史歐陽玄奉勅撰  
國朝重修兗州滋陽縣兗國復聖公廟記

兗國復聖公實復聖公所封舊有廟在州治東南  
約有一里餘西去  
宣聖廟三十舉武自唐開元二十七年謚孔子爲  
文宣王是年以顏子爲兗國公歷代因之春秋致



祭如上公儀比年阨於兵燹悉爲瓦礫荆棘之區  
洪武癸丑同知米公因其址僅復一廟洎齋地務  
未遑相繼代去而分教孫公仲桓主善■茲焉逮  
乎已同知俞公良仁下車篤意廟學仲桓語之曰  
廟所以奉先聖先師學所以傳道以淑人也昔吾  
夫子以至聖之德當周之衰道既不行設教於洙  
泗之上弟子從遊者三千焉速肖者七十而升堂  
入室僅數人獨能得聖人之傳者惟顏子一人而  
已受聖人博約之教語之而不惰發聖人無隱之  
道養之以如愚以深潛純粹之資而獨抱王佐之  
才使天假之以年聖人將不徒夢見周公而復見  
周公於顏子矣故濂溪周先生曰發聖人之蘊以  
教萬世無窮者顏子也以是思之千載之下見之  
如生存所封之地又當何如哉矧我

朝文治燭興禮秩百神其於先聖先師禮特有加德  
至渥也今廟雖建貌尚未完實土官之責也公即  
倡率僚吏士夫好事者仲桓首出以相事或助以  
財或資以力壇石堦阨剗然一新迺肖聖像衮服  
赤寫金碧煥爛儼然如生瞻者莫不起敬經始於  
癸丑年二月落成於丁巳年八月望日適節判袁



公伯金涖政之初復樹神門書廟額繚以垣墉規制甚壯五十七代孫主祀池請文龍石以昭不朽余忝教三氏義不容辭竊惟人心天理萬古一日蓋好善者出於人心之所同自有不能已者願茲盛事米公興之於前而未成二公踵之於後而就緒諸士夫又皆樂然響應略無難色孰謂人心之不古哉於是就紀其實而樂爲之記

洪武十年十月吉日闕里孔顏孟三氏子孫教授司教授陸煥然撰

重脩兗國復聖公廟記

宣聖五十五代孫孔公世職知曲阜縣事慨有所爲完前政闕美爲後繼之則也顏氏主祀名池者以其上五十七代祖兗國復聖公廟廡門垣敞久矣請曰前世尹以庀工未遂而逝今則當屬公矣公曰吁吾聖祖與兗公恩義非他弟子者比吾與若實通家此自宜事者奚請焉縣之丞任公簿魏公典史李公曰吾屬幸仕聖賢鄉邑未知所以報也世尹長者有是盛舉吾屬敢不力焉皆助俸協成之召聚工堦斷者剝易以新頽築以堅不戒而成以義率作然也池欲載其績於石俾余衍其辭



曰於穆斯廟寔克國公故居所謂陋巷者也當魯  
侯擁位政專三家臣之者寔繁惟克公以聖人爲  
依歸克已復禮簞食瓢飲不改其樂魯之君臣奚  
不知其好學也哉此潛德也宜之不知也聖人舍  
藏之義也爲邦之問聖人即以四代禮樂告之使  
明王遇之則變正皆當魯之君臣又奚能知之也  
哉此大法也克公之功用也聖人用行之義也嗚  
呼不有得於前必有得於後理固然也昔也陋巷  
今則公宮昔也簞瓢今則俎豆昔也布素今則衮  
冕昔也不見知於魯今則通祀爲先師承之者縣

縣之子孫相之者無間之通家視身歿第盡無  
德遺嗣人者誠天地之懸隔乎今池之請公之敏  
爲於尊祖崇教之志各云遂矣先尹名克伸字剛  
夫公名克營字耕夫丞名成字惟一簿名壽字仁  
卿典史名貞字希原主祀池字德裕志行清脩咸  
慕而樂道之蓋克紹其家焉  
洪武十五年八月吉日孔顏孟三氏子孫教授司  
教授胡復性撰

重脩克國復聖公廟記

京口金壇劉侯靜脩復宰滋陽之六年政平訟簡



境內人安乃新在學充國復聖公廟既訖工教諭  
王君孟端樂佚之成將刻石以記歲月來乞辭余  
惟殊泗之徒三千速肖者七十得聖人之聞奧者  
顏氏其庶幾焉肇自有唐開元間追封充國公迨  
元至順加充國復聖公我

皇明奄有天下治隆于昔九海內郡縣莫不有學學  
必有廟廟必有祭其祭而享也則以顏曾思孟爲  
之配其配也又必推復聖公等而上之道之所繫  
厥有在矣是廟之立莫原其始前碑但云廟距州  
治一里許比年毀於兵燹洪武癸丑同知米公因

其趾復一廟時異物改欲求其故漫不可識究  
其所從亦無有能道之者以今論之兗州國初係  
濟寧府屬既而親王建邦于茲尋陞爲府因改州  
濟寧併復置滋陽隸兗爲附郭邑公實生於其鄉  
受封斯土廟之於學固其所也稽之祀典則歲無  
常祭惟春秋合祠郡庠而已至若輦輅南北往來  
行經之際必先使者奉香幣命有司具牲醴從事  
親王朔望亦必遣官一員走致其敬乃得南面以  
享帝王褒寵之儀較位諸配享之列亦云異矣顧  
瞻祠宇規制不陋有非神明所居宰是邑者可不



加之意乎矧劉侯治行昭晰爲時賢今日之所擊  
其容已乎它日嘗爲我言曰學校之事敢辭其責  
廟貌弗稱咎將誰執第以叢務所困未遑改圖不  
能無慙于中此侯之存于心也亦已久矣今既有  
作人徒見輪奐之美而爲人之之易也殊不知撥  
材慮工費出有自蓄累之漸信非一日遇有缺之  
戒無取給於民出已幣以資不足少無斬色蓋人  
之所難能也及是告成焉可無述然則孟端之請  
也實宜故不辭而爲之記乃系之以詞曰大哉玄  
聖垂教萬禩具體而徵德業垂遠夫身自有唐肇封

究國位列上公袞冕赤舄於焉立廟罔究其初顧  
茲隘陋孰爲改圖劉侯作宰惻焉於斯曰任其責  
非余而誰爰始爰謀懼侵民力日積月累匪一朝  
夕購財僱工毋替厥舊再基於前是新是構乃飾  
其像以妥以寧輪奐之美視昔有增弗及其奢弗  
病于隘風雨攸除永俾勿壞

洪熙元年季冬望日魯府右長史奉議大夫溧陽

王貞撰

錫復顏氏祭田碑記

乙亥之冬十有二月庚申詔復顏孟二廟祭田加



錫至百頃置佃戶各十家以中憲大夫都察院左  
僉都御史徐有貞之請也蓋二廟之在元故各有  
祭田三十頃二氏子孫以之備糗盛給衣食焉易  
代以來侵奪殆盡雖嘗理于朝而輒托於有司由  
是二廟之祭不供而二族之養不贍初有貞奉璽  
書治水於山東濬川導山嘗往來于曲阜鄒嶧之  
間謁先聖先師之祠見其然而審其所以然有貞  
於時慨然心誓曰使有貞治水而有成功也其必  
爲吾先師復此田也及功既告成因具以聞且請  
益之田給佃戶獨其徵而俾之供贍

詔皆從之恩至渥也事下戶部俾巡按御史山東三  
司會而理之既復野店之田六十頃又得蔡莊之  
田而益之總爲頃百分而兩之其新田視故田廣  
衍饒沃有加焉又擇於鄒滕寧陽之籍得上戶二  
十分隸乎二廟以供佃事乃命二氏之宗子希惠  
希文爲之主掌歲收其入以供祭贍族田之有徵  
者蠲其徵而禁諸人毋爭占悉如詔旨著爲令至  
是希惠希文偕其族之良拜嘗非以爲善也  
恩闕下比還乃請之有貞願記詔旨于麗牲之碑以示  
後世義也有貞躋之廼論之曰於乎惟顏子孟子



於若曹爲先祖於後學有貞爲先師於天下爲先  
思賢是有貞之所爲請爲先師也上之所爲賜爲先  
賢也爲先師也爲先賢也其皆非以爲若曹也然  
而若曹坐而得田與佃蠲其國之徵而爲家之徵  
不爲人役而役人可不知其所自邪知其所自則  
言而不敢不法先祖之言也行而不敢不法先祖  
之行也其法之而至則將見復聖亞聖之復出而  
爲天下之師矣法之而未至其亦不失爲顏孟之  
賢子孫也自今爲宗子者必以禮而率乎宗之人  
宗之人必以禮而輔乎宗子由廢與事廢事量其

入而節其出祀惟豐用惟儉收惟均因是而廟益  
脩族益睦長長幼親親賢賢孝恭之行乎于家  
邦使見者聞者皆曰是聖賢之後誠可貴哉人以  
之益重其世也國以之益重其禮也不然或私以  
藏或忿以閱而不相能則夫見者聞者將曰彼爲  
聖賢之後且然又何貴乎詩云無念爾祖聿脩厥  
德有貞願爲二氏之胄勗諸希惠希文暨其族之  
良咸拜曰謹受教有貞乃書于石而系之銘其辭  
曰學聖不倦教世無窮惟顏之德孰與比隆異端  
以闢正道以通惟孟之功孰與比宗是故粒生民



之飢者莫如稷拯天下之溺者莫如禹而顏孟乃  
與之同推是德與是功也宜夫萬世之庇而矧乎  
其宗所以崇厥後者

朝廷之恩禮所以承厥先者子孫之孝恭有貞作銘  
勒于廟中敢告賢胤勿替祖風

景泰七年 月吉日奉天翊衛推誠宣力守正文

臣特進光祿大夫柱國武功伯兼 華蓋殿大學  
士掌文淵閣事徐有貞撰

陋巷誌卷五

陋巷誌卷六

碑記二

唐魯郡顏文忠公新廟記

魯郡顏文忠公有廟在琅邪之費距縣治東北五  
十里曰諸滿村室宇庠陋歲月將圯祀典弗著神  
不顧享元祐六年洪農楊君元來為邑之二年也  
建言于州曰按祭法能禦大菑能捍大患則祀之  
以勞定國以死勤事則祀之方魯公守平原時祿  
山逆狀未萌公能顧其端及反河朔盡陷獨平原  
城守具備與其從兄常山太守杲卿首倡大順河



北諸郡倚之以為金城可謂能捍大患矣其後為  
姦臣所擠臨大節挺然不屈竟殞賊手可謂以死  
勤事矣今廟宇不能庇風雨願聞諸朝少加崇葺  
俾有司得歲時奉祀知軍州事安定梁侯彥深下  
車未久起廢更弊州既以治睹是舉也而樂之即  
具以聞太常典禮以上春官氏曰宜如請公之遠  
祖青徐二州刺史盛始自魯居于琅邪之臨沂孝  
弟里故今子孫之在琅邪者眾其十一世孫安上  
者言縣謂廟地僻在荒棘跨嶺谷絕河澗者六七  
里而後至祈自出緡錢買地祊河之東以徙置之庶

幾子子孫孫與其邦人奔走承祀弗懈是年十二  
月二十四日廟成楊君以書抵京師史氏稱頌公  
英烈言言如嚴霜烈日可畏而仰其信然今廟碑  
將立無文以刻之懼不足以表忠義勸來世夫子  
其樂辭焉余考顏氏蓋出於邾武公之後武字顏  
真子友別封邾為小邾子遂以為氏孔子之門人  
達者七十有二而氏有其八回以殆庶幾得復之  
初九不遠復無祗悔之意以為門人之冠其後衣  
冠不絕間出則人然則公之知義明信道篤其淵  
源存自來矣夫入之於死生之變亦大矣而君子



處之裕然得其所者蓋有以權其義之輕重而已  
若夫義有重於生則不必幸其生有重於義則  
不必致其死故曰非死之難處死之難若魯公者  
學行內外克符閑肆以發見於事業非獨一時奮  
不顧死以取名故前抗祿山之師後拒希烈之命  
不惑於死生之際而以明君臣之大義可謂真知  
輕重大丈夫者哉百世之下聞其風者雖亂臣逆  
夫將消縮摧沮不復牙孽於其心矣楊君欲發明  
公之義烈以詔後世不諉于文學之士而猥以見  
屬豈以予為知言哉乃為誌其事而系之以銘銘

曰屹屹魯公剛實積中學奧問博涵演擴充孝友  
施家發為公忠直道以行孰顧我躬讒口黷猶往  
蓋其鋒祿山一呼逆焰熾天炎于崑岡沸于百川  
杯水輿薪勢且莫抗屹屹魯公忠誠是仗大義凜  
然奮裾首倡一清土門數斬偽將十有七州同風  
順嚮力窮功隳英聲獨暢屹屹魯公不戒于剛婉  
變媚嫉假手虎狼公在艱危得困之義有嚴分守  
卒遂吾志屹屹魯公風于百世魯廟翼翼孰作新  
之守令其職裡祀苾芬子孫是實有祀有息屹屹  
魯公與山無極



元祐四年四月二十七日左承議郎尚書職方員外郎雲騎尉賜緋魚袋曹輔撰

顏魯公遺事記

顏魯公爲盧杞所忌李希烈反杞首議遣公諫者甚衆德宗問杞對曰真卿朝廷重臣忠義聞天下誰不懼服臣常父事之今遣使不爲賊憚則辱國紛紛之言豈足聽陛下當自斷之無惑衆議德宗不能奪遂遣之人知公不還矣親族餞于長樂坡公既飲乃躍上梁跳躑謂餞者曰吾昔江南遇道士陶八八得刀圭碧霞服之自此不衰嘗云七十後有大厄當會我於羅浮山此行幾是歎次汜水恍遇陶笑謂曰吉吉指嵩山而去後公死于賊賊平家人啓瘞狀有金色瓜髮皆長如生人歸塋偃師北山先塋後有賈人至羅浮山遇二道士奕即而觀之問曰子何所來賈人曰洛陽其一笑謂曰幸託書達吾家許諾即札書付之其題曰至洛都偃師縣北小顏家及往訪之則塋也守塚蒼頭識公書大驚問狀皆公也因與至其家白之家人大哭卜日開塘發棺已空矣嗚呼杞欲害公之人而不能害公之仙也希烈杞等賊耳賊之殺人有常



刑公死且不朽又况仙耶元祐三年九月余遊吳興適觀郡入新公之祠因得謁拜公像其英氣仙骨凜然如在嘗閱洛中紀異載公前事考史所載祀拜公于中書與對德宗之言姦人表裏無迹則公之仙復何疑焉公之大節記載甚多而論次于於公之文為備固已激忠義之頽風沮陰邪之餘魄至仙真事吾又以刻于碑陰以貽續仙傳者襄陽漫仕米黻記

重脩兩顏公墳廟記

太子太師顏魯公與其從父兄常山太守杲卿有

墓在琅邪之費諸滿里北山之陽子孫世守為不妄前墓為廟遺址尚存然碑石剝落不知所始以二公之賢意其為唐宋之典祀也舊矣我聖朝大德十一年前安丘主簿真寧之平定人傅侯顏崑卿以從仕郎為費縣尹入境之始道經所謂諸滿者弔謁二公之墳廟徘徊感嘆久不能去及其受章之日首為出令脩護之既而又思其行路之人一過于此弗獲瞻拜必為異日之悔焉特為樹石以表之使知二墳之所在復名其鄉為忠義貴德尚賢聞者興起魯公孫顏瑋者樂道人善乃請于



進義副尉達魯花赤壽光八禿將仕佐郎主簿保定田鑑典史泗川楊祐曰是舉也在侯若弗刻之於石陰無以播四方貽將來盍揚我侯之美乎皆喜曰善弗可以弗早於是乞文以記之予觀世之居官虛廢歲月及為政者鮮矣政且不舉又何暇舉祀典以教其民哉今我侯為縣不但學問文章優於人也其智慮淵泉操行冰玉左規矩而右準繩後政刑而先德教奴視群吏而子愛百姓敬禮賓旅而屈接士類旨甘滫髓溫清定省盡事親之道以率民使人畏其威而懷其德曾未數月已見

政成廉訪使者嘉其能授以獄事數十使無情者不得盡其辭而泣事之初又能表彰二公之烈以教民可謂大知本矣故樂為之書以告來者

邑人葛堯民謹述

景哲軒記

古今人景慕趨向有不同也有志富貴者有志功名者有志道德者戰國之時蘇張以遊說貴顯天下爭相慕效桓靈之季李杜鉤黨繫獄當時恥其不與何也一則志於富貴一則志於功名者之所為也然而志於道德者寥寥無聞焉逮至宋德隆



盛治教休明河南程夫子接夫道統之傳關洛諸  
儒首倡孔顏之學朱子集而成之然後道德之懿  
昭如日星綿綿不絕若顏子之於聖門傳得其宗  
學冠三千之徒仁超七十二子聞克己復禮之目  
而請事斯語味博文約禮之訓而欲罷不能有三  
月不違之仁致一間未達之地簞瓢陋巷不改其  
樂用舍行藏安於所遇不遷怒不貳過好學而得  
其道者也無伐善無施勞言志而合乎仁者也日  
用動靜無非仁義之發應事接物莫非道德之著  
後之讀其書莫不曰學顏淵之學其使人景仰於

數千載有如是夫矧爲之子孫沐其休澤而承其  
祀事寧不知所景仰乎此名軒之義良有所自也  
宛國復聖公五十九代孫顏君希仁築軒於所居  
之東名曰景哲歲脩游息必於斯焉朝益暮習景  
其道德之輝日就月將求其博約之要希仁可謂  
知所景歎然取法於上僅得其中取法於中僅得  
其下言溫而氣和過則不憚改則不遷怒不貳過  
漸可學矣謙撝而不矜屈已而下人則無伐善無  
施勞漸可學矣以至安貧樂道之類何往而不可  
景而學之者也故曰顏何人哉希之則是詩曰無



泰爾祖聿脩厥德又曰高山仰止景行行止希仁服膺斯言即顏子得一善拳拳服膺之意也與其景其人孰若景其心顏子之學心學也能景其心則允道德仁義由此求之何往而不得雖功名富貴舉不足以動其心也希仁德甚純年甚富方進學不已他日所就豈可量乎俾今之慕功名富貴者登斯軒寧不赧然有愧焉希仁其勗諸慕景宣德十年歲在乙卯仲夏月下澣日宣聖五十九代孫襲封衍聖公孔彥縉序

如愚齋記

時曲阜顏希仁氏究國復聖公五十九代孫也嘗撰一室爲藏脩所朴而不華經籍圖畫列度其中顏思其楣曰如愚齋蓋本夫子之言因大理亞鄉楊公望遂初徵文爲記予惟究國德性純粹氣質清明有聞一知十之資故於聖人所言或性命道德之精微或禮樂刑政之顯著雖極天蟠地之理通幽達明之故莫不默識心通懽然領受坦然由之而無間難及其退也則發明聖人之道而有條理初其未達有如愚者至是然後知其不愚也且如也者愚之似爾究其實則不愚也若甯武子柳宗元之



愚蓋遭時不偶特假此自混耳視夫子所謂如愚  
豈不霄壤之殊哉予聞希仁嗜學敦禮智識過人  
籍甚有聲而以如愚自居蓋有不忘先世之意其  
不同甯柳之愚也審矣於戲愚者知之反智爲五  
常之一人孰不欲智哉若甯柳之愚蓋不得已也  
希仁生逢

聖明爲交國之後不視其智而守之於愚不炫其智  
而自晦於愚蓋得昔人所謂大智若愚之意豈但  
如愚也哉方今林而不悔聖諭圖畫民喪其中感  
朝廷崇重孔顏孟三氏之道建學立師教其子弟期

造成德達材之域爲

國家任使

恩至渥也希仁他日出應時需建功立名以圖補稱  
不惟有光先世而齋之名亦由是而著矣因亞卿  
公之請即其志之所在而爲之記云

正統五年庚申冬十二月朔正議大夫資治尹禮  
部左仕郎羊城陳璉書

重脩交國復聖公廟記

天聖賢廟貌遍乎天下其制度沿革不同然皆所以  
尊崇聖賢而闡其道使人人有所瞻仰感化同歸



於學則一而已苟奉公人亦誠無所自  
天子之命司牧民之寄者必有至於其間也宛州府  
滋陽縣舊有宛國復聖公廟一所規模卑狹境界  
不陋正統十一年夏灤縣姚公俊來知縣事下車  
謁廟慨然以興學爲先務即倡出俸錢若干好事  
者競發私幣以相之鳩工度才棟楹梁補之撓腐  
者易其舊殿廟門屋之荒頽者更以新赤白之漫  
思設者潤色之剝落者補治之於是尊宛國復聖公  
廟於中冠冕履舄丹青炳耀端拱危坐儼若生存然  
後內外完好不失有以大啓士民尊敬之心也縣  
丞周公禮暨訓導余公瑤輩擬其事以請夫寄百  
里而以禮樂爲治者聖人固善之矣然在當時如  
子游之於武城子賤之於單父蓋已不可多見况  
千載之下哉今大尹姚公作新學校以先官政事  
與畧而聖賢之道實係乎此禮樂之治實原乎是  
其功豈小補哉今諸公日於諸生朝益暮習儀刑  
親炙以達其聲教以淑諸人心其志有足尚者故  
喜而爲之記雖然竊有說焉聖賢遠矣獨其言與  
道存焉今學者誦其說求其道必當究其心不得  
於心而徒泥其迹雖學焉無取也後之君子抑亦



有省於是歟并系以辭曰大哉孔子垂憲萬世得其傳者曰惟顏子位列上公充國褒封千載而下靡不尊崇舊有廟貌風雨壞圯慨然興學出俸倡起好事者心私幣相之鳩工度材廟貌新之聖賢之道實係於此禮樂之教實原於是能知所本是曰賢令穹碑勒詞觀者起敬

景泰元年歲次庚午冬十月吉兗州府滋陽縣儒學教諭鄉貢進士江都孫信撰

重脩兗國復聖公廟記

道在天地間猶元氣之流行於四時也四時有代

謝而道未嘗有代謝學校乃道之所寓也學校有興廢而道未嘗有興廢昔孔子大聖也設教洙泗從游三千速肖七十而傳其道者顏子一人而已國朝郡縣皆建學學必有廟以祀先聖先賢而學所以學其學也矧兗郡乃聖賢傳道講學之邦滋陽附郭邑也顏子生於斯地封兗國復聖公而學有廟在焉我

朝廷建學立師文教誕興百餘年以來時更物改風雨傾圮廟學廢弛久矣滋陽邑侯王公諳字亦汝乃開封祥符人也下車以來毅然以興復為己任



廟堂諸舍加葺事具一二年間洪水橫流泛濫郡  
邑而學舍漂流殆盡所餘者廟與齋堂而已亦皆  
頽圯壞弗堪連年飢歉事弗暇為逮歲壬寅公則重  
新脩理廟宇之中一物之既朽一木之不堪者悉  
徹而更易之廟前兩傍繚以垣墉鎮密可觀講堂  
齋舍亦各脩飾備具諸生講肄之舍東西更造各  
十間視前加備又於講堂之東作會食堂厨屋共  
六間西皆倉廩三間以備師生廩饌之資學外門  
隘陋弗稱觀美悉撤舊基更造三間弘敞偉然於  
門之內外甃石為路以便往來暇則朝夕程督無

敢或怠木植磚瓦之類隨時措置不擾於民邑士  
大夫往來者咸嘖嘖稱嘆以為學校之興作誠非  
往日比也厥功告成訓導吳興唐公遂詣必顯言  
曰學有事必有紀紀者紀其事以示諷勸今王公  
與學盛事不可無紀以勸來者必顯竊惟孔顏之  
學其性則仁義禮智也其道則君臣父子夫婦長  
幼朋友也其書則易詩書春秋禮樂也聖賢之所  
以教學者之所以學悉本乎道而已學校之設正  
學以致道之所豈特為觀美之具哉諸生講道於  
斯游息於斯受業於斯尚當體顏曾思孟之得於



孔子周程張朱起而傳於孔子者朝夕考驗察識  
問學務體聖賢之心行聖賢之行異日出而受一  
命之寄則當推所學以黼黻皇猷圭璋治化必聖  
賢之道見於踐履之間無徒碌碌僥倖以圖進取  
於一時以貽人之訾議則庶幾上不負

朝廷作養之恩下不負王公脩學之意則師友平日  
之所講明者不徒托之空言也謹記

成化十八年歲次壬寅秋九月吉日滋陽縣儒學  
教諭鄉貢進士三山鄭必顯撰

陋巷誌卷六

陋巷誌卷七

祭文

元延祐六年歲次己未六月乙酉朔越二十五日乙  
酉朝列大夫山東東西道肅政廉訪使劉文謹以  
清酌之奠致祭于

兗國公惟公位崇亞聖名冠四科鼓瑟自怡樂道為  
文任有攀鱗附翼之志無施勞伐善之心禮祀大賢  
光隆永世尚饗

維至正二十一年九月乙酉朔越九日丁巳銀青  
光祿大夫中書平章政事知河南山東等處行樞



密院事兼陝西諸道行御史臺御史中丞察罕帖木兒謹遣本省都事尹師彥以太牢清酌之奠致祭于木世尚饗

克國復聖公惟公德冠四科未達一間潛心好學禹稷同貫茲仗節鉞廓清陰曠軍旅事殷未遑與祭敬遣輔行載達情意尚饗

春秋釋奠祝文

維 年 月 日敢昭告于

先師亞聖克國公顏子<sub>春</sub>以仲<sub>祇</sub>率舊典釋奠先聖至聖文宣王惟公為仁為邦體用兼備擇乎中

肅去聖一間尚饗

思陋巷祖庭春秋祭祝文

維 年 月 日敢昭告于

克國復聖公惟公克己復禮卓爾有立默識心通乃幾于聖爰以仲<sub>春</sub>謹以制幣牲齊粢盛庶品式陳

明薦尚饗

大辟誕辰諱日致祭祝文

維 年 月 日主祀事某等恭逢忌日致祭于

先祖克國復聖公曰明明我祖道德流芳保我子孫以時思之謹以牲帛醴齊粢盛庶品用伸追薦尚



饗

國朝洪熙元年歲次乙巳六月己亥朔初九日丁未

五十八代孫主奉祀事類奉敢昭告于日

先祖克國復聖公曰孔門三千速肖七十分科論賢

誰其第一才周王佐體具聖人高堅前後洞鑒如

神簞瓢陋巷其樂忻忻淵源道學萬古稱尊恭惟

皇上道重斯文嗣服去初典禮載敦遣官致祭夙與惟

寅曾孫率止入謝振宸復蒙宴飲仍錫楮緡靜言

先思之伊誰之勲用備牲酒式薦明陳我祖有靈鑒

先此常珍尚饗

維正統四年歲次己未二月庚戌朔越初三日壬

子五十九代孫主奉祀事類希仁等謹具牲牢時

羞之真敢昭告于

先祖克國復聖公伏念祖廟歲久毀弊徑請于

朝

命官改脩茲諏吉旦咸事起工我祖明明鑒我無斁

謹告

景泰七年頒降祭文中

維年正月日代孫翰林院五經博士某祇奉



朝命敢昭告于

先祖究國復聖公曰惟公具體希聖克己為仁德立

道明光照千載茲屬仲春秋謹以牲帛醴儀用伸常

薦尚饗

贊

顏無繇贊

以下俱建隆三年分撰

梁周翰

校書郎

顯允君子德克慶延叔世家魯陋巷生淵同師將

聖俱謂能賢千載之下清風凜然

顏辛贊

賈玘

刑部郎中

嘉彼子柳誕生于魯學茂三墳名喧九土蕭伯崇

賢亞聖同祖光于簡書垂範終古

顏高贊

陶穀

翰林學士承旨

升堂闕里學有後先橫經之子鼓篋相宣回稱殆

庶驕亦齊賢顏氏一宗八人在焉

顏之僕贊

李清

兵部尚書

顏氏之門魯圖之紀自匪通儒莫列諸子行茂淹

中名參闕里惟帝尚賢俾頌其美

顏會贊

劉載

給事中

顏氏之族咸為子弟亞聖次之升堂者矣學無不

通道無不備昔觀賢達今列圖史



惟聖與仁上行下達入室升堂窮本知末名顯八

顏道亞十哲肅肅儀刑克光其列

究國公贊以下俱大中祥符二年分撰王旦同平章事

賢哉子淵惟仁是好如愚屢空鄰幾觀奧用行舍

藏與聖同道封岱丁辰益茲榮號

顏無繇贊丁謂事司給

素王將聖實為我師顏子殆庶趨庭學詩請車無

媿陋巷安卑追榮侯服逢此上儀

顏辛贊周起金部員外郎

增封雲嶺詔躡魯堂顯允君子今儀有章英槩如

挹德音不忘橫亘千古淳風載揚

顏高贊戚綸龍圖符制

魯國諸生顏氏為盛達者升堂是以希聖龍章載

加侯服輝映名著遺編人師往行

顏繪贊張象中集賢校理

回也庶幾諸顏近之洙泗受業汶上從師輔翊儒

道經營德基俾侯于濟君子攸宜

顏之僕贊崔遵度太常博士

洙水悠悠子叔優優及肩等賜升堂並由元后時



邁禮成介丘旌此遠者爵爲列侯

顏何贊

劉諧太常博士

木鐸興教英賢輔翼猗歟子丹恢張文德孝悌承風詩禮是則千載丁辰始開侯國

頌

充國公頌

若昔帝軌覆王綱顏則孔聖挺生而憲章克復故能脩人極酌彛倫聲名有度文武不墜講德泗上橫經淹中

義曠志鵬海服膺蟻術瑗琢金玉鑲仰性情著其

惟充公乎公姓顏名回字子淵魯人也受業孔門聞一知十之慧因而能通休休焉拾塵著德貧而不仕衍衍焉鼓瑟自娛雖行藏坐忘黜聰墮體確手不技澹乎自持猶以農

星精之騎及夫杏壇華白素王哀一臂之交槐市

葉青丹史煥四科之首輝光昭晰芝蘭鬱芬年代侵遠久而不忘美哉偉歟美哉偉歟之宋刻鵠見

噴雕龍寘譽昔往禱仙之郡未繫想於王喬今來

禮樂之鄉魏飛聲於空賤徒以弦歌洋洋

之朝飛水鏡澄明希阜鸞之曉舞而都督渤海李



公諱庭誨八命分憂兩岐標慶海澄泓量月灼貞  
明德之至則膏雨隨軒令惟行則仁風發扇寔來  
茲色泛覽川原企佇丘墟慨然永嘆曰城廓猶是  
鶴鳴千歲之歌陋巷空存人饗一瓢之樂綠池春  
盡白露秋生古往今來曷惟其已皇上禮行鄒魯  
思闡文明則夫子乘通三之尊究公列惟五之長  
乃顧而謂之宋曰張令文蔚國章智樹仁策撫光  
可大譽望克昭宣聖既以銘焉究公豈宜闕爾恭  
惟嘉命勒茲徽猷俾夫亞聖同之前美由是也故  
得繚宮墻殖庭宇附鳳翼■魚鱗清泠萃風曠曠

照日綠樹羅靡紅藥粲林霽轉鶯階香舞蝶堂  
於斯歲於斯器用陶匏粢食不繫命曰稱究公之  
德歟遂吮墨含毫聆奇擘美網鳳策獵麟書牽彼  
朱絲緯茲黃絹其頌曰

珠毓滄溟鳳飛丹穴况德君子聞諸往說彼美究  
公儒林秀傑惠和天授聲聞風烈道成四友德  
十哲魯明御敗衛通袞洩宛爾龍蟠颯然鶴髮  
天喪予芝蘭已折聖皇有道四隩攸同恩發天  
宇今發春風緬懷泗上睿想淹中俯從魯禮贈此  
究公天書戾止儒術昭融弁冕丹頰威光自雄皇



情有實陋巷何空 昭昭良牧彬彬文質熊軾輔  
風隼旗繫日嶽鎮鄒魯道流滇渤神秀踈聳靈鑑  
朗逸德柔去殺仁深濟物來思懷古中心壹鬱來  
秀已謠乘離云述爰命作頌傳諸故實 瞻彼魯  
國地固人安龜鳧鬱氣洙泗名端禮經雲委物產  
星攢以予作宰諒匪能官蒲城愧仲河陽謝潘琴  
絲可理製錦良難儉懷箠笥禮想零壇塗荒露泥  
樹古風殘愛而不見愧然永嘆棟宇是葺金石斯  
刊悠然千載其芳若蘭  
朝議郎行曲阜縣令張之宋撰

銘

顏樂亭銘 小 蘇 益 子 程 顥 太 師 文 節 工

天之生民是為物則非學非師孰覺孰識聖賢之  
分古難其明有孔之遇有顏之生聖以道化賢以  
學行萬世心目破昏為醒周爰闕里惟顏舊址巷  
汙以榛井堙而圯鄉閭蚩蚩弗視弗履有卓其誰  
師門之嗣追古念今有惻其心良價善諭發幣出  
金巷治以闢井潔而深清泉澤物佳木成陰載基  
載落亭曰顏樂昔人有心予忖予度千載之上顏  
惟孔學百世之下顏居孔作盛德彌光風流日長



道之無疆古今所長水不忍廢地不忍荒嗚呼正學其何可忘

金太家廟碑銘

顏真卿

系我宗邾顏公子封郕魯附庸亞孔聖浴沂風刺青徐給事中護營柳渡江楓侍兄疾感地童鄰火斷珥貂重施七葉傳孝恭武騎都尉司從便尺牘繼魚蟲慟君難憤而終咨記室游湘東嗟御正凜移忠泉黃門擅文雉三昭長事東宮四穆叔史宰寵褒華州話訓通小祕書盛名鴻維太保文翰工莅畿志五袞崇登望苑友挂轂三超贈保儲躬流

光盛廟貌融永不祧垂無窮

詩

元

謁顏廟

汪澤民

祗命適東魯晨征趨孔林旋過亞聖廟俯伏肅靈襟陋巷覽遺址稱賢到于今一簞樂自足千駟名空沉鳳鳥時不至驥尾胥附深為邦問禮樂用舍孰知音愚生後百世歲月徒侵尋博約賴明訓庶矣復初心

蓬山劉德淵



樂道簞瓢正妙年當時德行冠三千自慚魯鈍渾  
無似枉著微名慕大賢

國朝

泰和羅璟太子洗馬

和粹真如四序春先師精蘊發公身為邦禮樂傳  
王佐陋巷簞瓢樂聖人虹氣貫空遺井在龍紋繞  
石

御碑新從容四勿為仁地千古寥寥愧後塵

長洲徐源右副都御史

廢井荒原古廟高昔賢曾此伴簞瓢經祠賸有碑

遮眼過巷猶餘草沒腰一室當時非困苦寸腹千

古識英豪休云魯有三家富故國無緣負草蒿

安成劉丙監察御史

王佐才猷未竟施空令儀範想當時一間只待天

年達三月曾容頃刻私禹稷勲名能少此虞周禮

樂定教誰斯文非為春秋秘留與吾人後世師

郊城任文獻監察御史

杏壇爾祖獨潛心嗣後衣冠直到今禮樂文章昭

至治廟堂絲竹續遺音魯城門巷誰云陋

聖世恩波到底深天下歸仁千古重傳家無負四篇箴



長沙李東陽大學

至德不世出所居必有鄰依依闕里東見此陋巷  
村天資本純粹况乃沾陶甄禮樂以為邦克復以  
為仁當時七十子此道鮮有聞行歲亦時可不道  
周公貧傷哉宣尼慟此涕復何人公封與廟配俎  
豆垂千春古祠久荒敝廢井尚未堙洞酌代明祀  
泠然洗心神舊第入環堵纓冠見雲孫因之訪孟  
廟鄒嶧東嶙峋遥瞻孔林在且薦清溪蘋  
古樂次韻  
皇天良有意聖哲生為鄰祥雲與瑞日照扶魯元

村及門自髻鬣至寶造化甄依歸既得所斯湏豈  
違仁了了發聖蘊廿一親見聞躬行久忘我安知  
孰為貧蕭然陋巷居樂哉獨斯人寸心不盈掬浩  
蕩萬物春我來後千載世遠道未堙故井蓄腴旨  
高堂拱元神遺澤何深長雍雍有聞孫寄矚尼防  
外雲霄兩嶙峋何以慰予思盥手薦芳蘋  
曾無  
天教摧折病中身幸自從來見道真萬里程途猶  
健步千年廟貌識青春宮墻不隔高瞻地洙泗能  
回獨往神廢井分明記瓢飲因知原憲未為貧



景哲軒

濟川王田知縣

彼微明達士於稟良孔忱天人有至理毋貳爾為  
心和順於道德既往誰復任延經親周孔冲融開  
曾襟鳶魚徒飛躍盲瞶忘色音嗟哉顏氏子企仰  
若登臨靜極觀大化築室尼山岑河洛通天地春  
秋亘古今寥寥千載下聖賢余所欽

吳郡徐瑄左僉都御史

孔門三千士速肖七十人子淵得宗傳具體德維  
純博約功已至三月不遠仁盡發聖心微萬世教  
斯民凡人所景行况乃後代孫承家緒已遠學道

力須勤故巷翳喬木闕里接芳鄰心齋有餘樂豈  
厭簞瓢貧企仰千載上祖孫分猶親勉振前哲風  
勿與常人倫

東萊儀銘

沫泗清且連流派何瀾瀾泰山峙且高下土俱瞻  
企况茲賢聖裔家庭習詩禮聖容不可親名教尚  
可體儼然如對越昕夕頓首稽華軒深意存水木  
窮源抵千載餘清光無愧顏氏子

如愚齋

廣陵趙輝駙馬都尉

顏子如愚稱亞聖雲孫接武更堪推祖宗實行真



能踐寧柳虛名詎肯師聽受不違聞教日發明斯  
道燕居時循循勉勉功無怠漸有深潛純粹姿

四明陳敬宗

因子祭酒

亞聖天資高萬里何昭融冰涵玉壺潔月浸寒潭  
空宣尼闡精微未言心已通悟徹總釋然無辨如  
不聰慶澤委千載紹述超凡庸詩歌念祖德幸脩  
貴崇功勛哉慎終始令名垂無窮

劍江黃載

尚書

惟人之生降衷自天形既具矣理亦賦焉形具則  
同氣稟有異清濁之判曰愚曰智有美顏氏清明  
在躬謙以自居寬以有容言與行符表與裏一屏  
黜其華敦崇其實謗而弗辨恐而弗驚處困而身  
用晦而明齋居翼翼樸而弗飾宗祖之規慎守不  
失

安城吳節

翰林

昔賢侍聖師每語輒終日春風滿庭除渙然自水  
釋孰知大智資偶與不慧匹及觀日用間所履皆  
聖轍迨今千載下學者仰矜式賢宗有雲仍揭扁  
表遺澤顏林鬱蒼蒼景止在昕夕博約侈交脩庶  
用繩祖德



四明鄭雍言太常卿

淳粹天資衆莫如聖言聽受只如愚中心融會消  
查滓至理昭明味道腴由是當時稱亞聖今者後  
胤式賢謨學須師祖勤加勉莫作區區章句儒

淮南楊復少卿

高志冲虛玄遠懷極躡際將與大化參肯與小道  
泥魯儒貫一妙陋巷知十慧披襟宜自當舉武信  
何滯矧生過化所而作先賢裔接地固已靈聞天  
可無嘆有卓期必進聿脩豈今替欲雲全蕩際心  
日定清霽深探聖學源默合孔宗契淨鑑恒用拭

浮埃詎能翳惟祁性靈悟不待唇舌諦鴻鍾叩即  
應急電覽難繫方寸如海涵萬物可裨制生知所  
求並夕死曷庸計潛德昭四科英聲落千世欲垢  
勤洗靈道嘯力登詣須加典墳坊勿懈朝夕勵曩  
聞鐵研刊茲擬孫戶閉加封遣使致祭其

縣名山大川聖帝明王忠臣烈士九在祀典者  
具事跡申聞次第加封除常祀外主者先付  
致祭廟宇損壞官為脩葺伏為先師堯國公建  
人之門以德行冠四科之首不遺不貳聞一  
知十居陋巷而與出使同道歷代尊崇







封爵躋之配饗又於曲阜故里立廟以祀之褒德禮賢使後學知所師法其於世教誠非小補側聞祠宇年深堂廡頽圯今五十四代孫璉特疏南來抄題俸金以奉營葺之資見知者雖曰許諾樂施者其能有幾設使化之有餘用之不竭適足以貽笑四方仰惟聖朝以武定區宇以文致太平崇儒重道無不至矣獨於此何其缺然守土者理當申明廉訪司亦宜陳請官爲脩葺於江南儒學錢穀有餘之處約量分給恢宏舊貫輪奐一新使顏族安居主祀實國家之盛事也

請加封先師父母妻疏

泰定四年十月監察御史辛鈞等言至大二年已嘗褒加宣聖之號曰大成至聖文宣王竊惟亞聖充國公樂道安貧聞一知十德冠四科具體聖人使其得時行道禹稷之功無以異焉側聞朝廷賜錢崇飾顏氏家廟致敬先師禮意至矣獨於先師父母未議追封似爲闕典宜移文禮官若依鄒國公例講究封贈不惟有補於世教亦不負聖朝褒德尊師之美意

充國公廟落成建言立碑



天曆二年五月監察御史李廷實等言嘗謂聖賢  
有益於生民者蓋以立言垂範光啓後人景化彞  
倫以昭來世伏惟先師亞聖克國公德冠四科道  
同禹稷稽之歷代莫不尊崇近歲廟貌蕪荒已嘗  
陳請朝廷建議於江浙各路儒學錢糧內給付鈔  
一千餘錠已於闕里陋巷故宅重建廟宇殿庭廊  
廡輪奐一新但碑石未立似爲闕典職居言路理  
當建明誠宜聞奏命翰苑詞臣撰文紀其事實刻  
諸琬琰以示方來庶廣聖朝崇褒先師之美意

又

至順四年六月監察御史王守誠等言嘗謂追尊  
聖賢雖在消脩乎時祭載述功德尤當大紀乎豐  
碑切念先師亞聖克國公廟貌已蒙聖朝於江南  
學校撥降錢糧脩蓋俱已完備其碑石尚未建立  
理宜聞奏脩撰銘文以彰國家之盛德斯文幸甚

國朝前文聖廟宇記

至元四年二月監察御史焦榮祖等言欽此除欽  
遵外切惟追崇聖賢尊往哲之名教纂述道德昭  
明世之徽猷伏念先師亞聖克國公廟貌已蒙聖  
朝於江浙學校撥降錢糧脩蓋俱已完備其碑石



因未建立又復聞奏命馬中丞撰文後值本官改  
除以致因循未完如蒙憲臺聞奏再命翰苑詞臣  
撰文紀其事實以彰我皇明崇文重道之盛典不  
勝幸甚

國朝請脩理廟宇疏

充國復聖公五十九代主祀嫡孫顏希仁狀告陋  
巷故宅廟有祖廟一所大小二十餘間係歷代并  
聖朝祀典應祭神祇經歷年遠廟宇門廡等房俱各  
壞倒塌已經累次具呈本縣并襲封衍聖公府轉  
達山東布政司委官帶領匠作將本廟合用木植

磚瓦等料取勘去後未奉明降近於宣德八年七  
月二十二日又經霖雨正廟倒塌神像暴露不蔽  
風雨不徒不堪斯文過客之觀瞻抑且有負  
朝廷崇重禮賢之盛意如蒙准告乞賜明降脩理便  
益等因具告到部查得永樂二十二年十一月十  
八日

太子太保兼禮部尚書呂震等題工科給事中郭永  
清建言各處學校壇場城垣多有損壞要行脩理  
宜從工部施行題奏奉  
聖旨是欽此除欽遵施行外今該前因合行本司轉行



兗州府着落當該官吏委官前去相看前項廟宇  
房屋如果損壞當用脩理候農閑時月就將附近  
縣分起撥夫匠及在官里甲人等班撥木植等料  
及於不該班匠內量撥陸續脩理完報仍將用過  
工料脩完房屋間數官吏保結通行開報毋得指  
此為由一槩科擾於民不便

乞建碑奏本

正統四年十月初九日兗國復聖公五十九代主  
祀嫡孫臣顏希仁謹奏為脩理事正統元年九月  
初二日為因陋巷故宅祖廟年久倒塌神像暴露

告蒙行在工部尺字一千七百四十三號勘合奏  
准着落山東布政司轉行兗州府於附近滋陽等縣  
起撥夫匠照舊脩蓋止有真素夫人寢殿其餘見  
已將完其先祖兗國復聖公廟宇荷蒙

准奏乞

勅該部建立碑文紀其事實用彰

聖朝崇文重道之盛典謹具奏

聞

乞撥祭田題本



都察院左僉都御史臣徐有貞題臣先因公幹至  
兗州府鄒縣據孟氏裔孫翰林院五經博士孟希  
文說稱顏孟二氏俱各已有前元時撥賜贍廟祭  
田在本縣地名野店共計六十頃每廟各得三十  
頃歲收種入以供樂盛兼得贍養族人

國初以來亦無改革其後止因二氏子孫微弱無力  
營種致被附近民人侵占耕種年久不還先有顏  
氏裔孫顏希仁赴京告理蒙行下布政司差官踏  
勘其各占種人戶李沉等初間亦各承認願還供  
結明白奈緣彼時有司因見二氏無有人情求請

不行違理致使其中奸滑得計改換供詞妄稱係  
是洪武年間開墾無主荒田至今不行退還以致  
二氏子孫無田供祭且今人口生齒浩大雖得前  
田尚不勾用何況於無希文雖幸蒙

上恩賜與官職頗可度日其奈舉族之人未免饑寒  
無以養贍等因到職除查本縣卷案相同外切念  
顏子之德孟子之功宗傳先聖垂範後來萬世人  
君所共尊禮故雖胡元之君亦知崇尚而撥田贍  
廟矧乃

聖朝敦典庸禮之盛



皇上崇儒重道之至而忍使其祭田不供子孫失所乎  
臣又伏見

皇上親幸視學特詔孔顏孟三氏子孫陪從仍授顏希  
惠孟希文以近侍儒官其優待之恩有隆無替誠  
超軼前代之君而過之矣然其祭田之缺子孫之  
苦有司不為分理使者不以上

聞非惟有負聖賢之宗教抑且有負  
皇上之德意豈不為盛世之缺典而儒道無人之嘆哉  
臣愚輒不自揆敢以實  
聞乞

勅該部行移山東布政司委自堂上的當官負前往  
本處會同府縣該官公同踏勘將前項原係顏孟  
二氏贍廟祭田沿丘履畝丈量明白如其間有已  
納糧者乞行免納未納糧者就便追還仍行從公  
分撥與顏氏三十頃孟氏三十頃今各照舊牧種  
並從世嗣授官者掌管歲入贍廟供祭之外聽存  
其餘周給各族之人以後再不許他人爭占住種  
違者併罪有司此外猶恐前項原地供贍不敷及  
二氏子孫之力墾種如蒙乞將附近拋荒空閑田  
地量加頃數增添撥



賜仍照孔廟事例量撥佃戶助種以供贍之尤見  
特恩如此庶幾上有以明宗心無出此於空閑田  
皇上追崇先賢之至意下有以俾賢裔均荷

聖朝之盛恩斯文章甚緣係給復先賢祭田事理未敢

擅便具題景泰六年十二月十九日本官次日於

奉天門奏奉

聖旨是這六十頃田便着山東三司并巡按御史逐一

清理出來均撥與顏孟二氏子孫管業若係民間

已納糧草的即與開豁仍踏勘附近彼處空閑田

地每家各添撥與二十頃佃戶各十戶分種前地

永遠為業不許諸人爭占違了的不饒戶部知道

欽此欽遵

聖旨 乞洒掃人戶奏本

天恩 顏子六十一代孫翰林院世襲五經博士臣顏公鏞

謹奏為乞

恩脩理事荷蒙

聖朝脩葺祖廟陋巷故宅豎立孟二廟休同沐

御製碑文

欽賜祭田以供築盛設學校以訓子孫錫祿後以優

族授官職以俾世襲崇儒重道比之前代愈加隆



盛切見孔孟二廟俱有洒掃人戶者守廟宇常川  
脩理惟臣祖廟未得霑

恩即今廟宇廊廡墻垣歷年既久每有損壞未免煩  
擾有司動勞民力比與孔孟二廟相同伏望

皇上憐憫乞

勅該部量撥洒掃赴廟者守脩理不勝感戴

天恩之至具本該通政使司官奏奉

聖旨該部知道欽此欽遵抄出到部看得係戶部掌行  
備咨送司案呈者得孔顏孟三聖賢廟宇歷代所  
崇而我

朝

列聖尤重其孔孟二廟既有者守洒掃廟戶而顏廟獨

未僉點誠為缺典及照孔廟固所難比孟廟既有

廟戶而顏廟亦當量撥僉數戶專一者守洒掃遇

有墻垣傾頽廊廡坍塌就令用工脩理免致動勞

民力但僉點者廟戶數係于

恩典本部未敢擅便定擬伏乞

聖裁緣係乞

恩洒掃人戶事理未敢擅便成化十八年十二月二

十八日本部尚書翁世資等具題次日奉



聖旨是照孟廟戶數僉與欽此欽遵

乞脩廟奏本

顏子六十一代孫翰林院五經博士臣顏公鏞謹

奏為乞

恩脩理事切惟臣祖顏子傳道孔門配饗聖廟世蒙

恩典代代相因至我

聖朝尤加崇重既設廟戶以備洒掃復

賜祭田以供粢盛恐

恩湮沒又建

御製碑刻以彰

天寵慮臣陋巷奉祀為重

因命世襲翰林清秩

皇上崇儒重道之意隆古蔑以加矣臣忝承宗祀不勝

感激但臣祖廟近在孔廟之東自正統年間重脩

以來屢為風雨所壞見今正廟損折大梁二根用

木撐持又况

御製碑樓并門廡等項亦已踈朽不堪觀瞻先因

欽脩孔廟不敢並奏緣今孔廟將完事項已有定體但

皇上得十分之一事即可集不惟臣祖獲安其靈抑且

奉祀得展其禮往來官士拜謁臣祖之廟



寵光相映亦以見  
 皇上洪大之  
 恩普施於今日矣如蒙  
 唯奏伏望  
 皇上乞  
 勅該部轉行巡撫并巡按山東監察御史會同布按  
 二司親詣廟看計工料仍行原委官員量存夫匠  
 從便脩理斯文幸甚臣下幸甚為此具本親齎奏  
 聞該工部覆切惟孔門從游高弟而顏子名列四科之  
 天  
 先  
 國  
 奉  
 外  
 象  
 重

於朝廷致祭孔子而顏子位居四配之首其廟在曲阜  
 乃係先賢生長之地後天瞻仰之所今五經博士  
 主  
 廟  
 公  
 錄  
 奏  
 稱  
 脩  
 理  
 孔  
 廟  
 將  
 完  
 要  
 量  
 存  
 夫  
 匠  
 將  
 本  
 廟  
 思  
 從  
 便  
 脩  
 理  
 一  
 節  
 合  
 無  
 准  
 其  
 所  
 奏  
 行  
 巡  
 撫  
 都  
 御  
 史  
 吳  
 身  
 節  
 及  
 巡  
 按  
 監  
 察  
 御  
 史  
 公  
 同  
 布  
 按  
 二  
 司  
 官  
 員  
 親  
 詣  
 相  
 者  
 如  
 果  
 損  
 壞  
 是  
 實  
 相  
 應  
 脩  
 理  
 就  
 將  
 合  
 用  
 工  
 料  
 夫  
 匠  
 一  
 體  
 支  
 撥  
 脩  
 完  
 備  
 將  
 支  
 用  
 過  
 工  
 料  
 及  
 廟  
 宇  
 間  
 座  
 數  
 目  
 造  
 冊  
 奏  
 繳  
 以  
 備  
 查  
 考  
 緣  
 係  
 脩  
 理  
 顏  
 廟  
 及  
 奉  
 欽  
 依  
 該  
 部  
 知  
 道  
 事  
 理  
 未  
 敢  
 擅  
 便  
 具  
 題  
 成  
 化  
 二  
 十  
 二  
 年  
 十  
 一  
 月  
 十  
 三  
 日  
 本  
 部  
 尚  
 書  
 謝  
 宇  
 等  
 於



奉天門奏次日奉

聖旨是欽此

又

顏子六十一代孫世襲翰林院五經博士顏公鏞

謹奏為乞

恩脩理事切惟臣祖顏子傳道孔門配饗文廟世蒙  
恩典至我

聖朝崇儒重道之意隆古莫加矣緣臣祖廟近在孔廟  
之東自成化二十二年奏蒙

天恩准令脩理以來連年復被風雨所壞見今

御製碑樓櫺星門坊牌俱各倒塌及正殿兩廡等房木

植損壞磚瓦脫落滲漏數多不堪瞻視誠恐日久

勞費愈多臣切見宣聖廟近蒙

欽命撫按二司等官會議脩造將完乞

賜推

恩將臣祖廟量為脩理務在堅久庶使臣祖獲受其

固為靈而臣奉祀亦得以展其禮子孫奮勵亦得以圖

恩補報如蒙具本賤齋齋具奏

准奏伏望

聖恩乞



勅工部轉行巡撫巡按會同布按二司官員計料量撥夫匠脩理庶得雨露均霑不勝感

恩之至焉此具本親齎謹具奏

聞伏候

勅旨該本部覆稱臣者得五經博士顏公鈇奏稱顏子廟宇

御製碑樓櫺星門坊牌俱各倒塌正殿兩廡等房損壞滲漏要行脩理一節緣係彼中事情未經行勘難便定奪合無行移山東巡撫巡按官員嚴督布按二司守巡等官親詣所奏去處逐一相看前項殿

廡門坊等項有無倒塌損壞滲漏見今脩理孔子廟庭有無餘剩物料如果相應脩理即便料計明白處置傳管徑自具奏定奪緣係乞入事聖

恩脩理及奉文爾如應行宣即移外

欽依工部者子來說事理未敢擅便弘治十五年七月

二十五日本部尚書曾鑑等具題次日奉

聖旨是欽此

備文移

榜文

元



皇帝聖旨裏中書省會驗先欽奉詔書節該孔子之道垂憲萬世有國家者所當崇奉曲阜林廟上都大都諸路府州縣邑廟學書院照依世祖皇帝聖旨禁約諸官員使臣軍馬毋得於內安下或聚集理問詞訟褻瀆飲宴工役造作收貯官物其贍學地土產業及貢士庄諸人毋得侵奪本路總管府提舉學校肅政廉訪司宣明教化勉勵學校凡廟學公事諸人毋得沮壞據合行儒人事理照依已降聖旨施行欽此除欽遵外照得亞聖克國公廟宇一體禁約除另行外都省合行出榜曉諭如

有違犯之人嚴行治罪須至榜者

國亦右榜曉諭各令通知

大德十一年十月

皇帝聖旨裏中書禮部會驗欽奉詔書節該諭中外百司官吏人等孔子之道垂憲萬世有國家者所當崇奉曲阜林廟上都大都諸路府州縣邑廟學書院照依世祖皇帝聖旨禁約諸官員使臣軍馬毋得於內安下或聚集理問詞訟褻瀆飲宴工役造作收貯官物其贍學地土產業及貢士庄田



諸人毋得侵奪所出錢糧以供春秋二丁朔望祭  
祀及師生廩膳貧寒老病之士為衆所尊敬者月  
支米糧優恤贍養廟宇損壞隨即脩完作養後進  
嚴加訓誨講習道藝務要成材若德行文學高出  
時輩者有司保舉肅政廉訪司體覆相同以備選  
用本路總管府提舉儒學肅政廉訪司宣明教化  
勉勵學校凡廟學公事諸人毋得沮壞據合行儒  
人事理照依已降聖旨施行彼或恃此非理妄行  
國有常憲寧不知懼宜令准此欽此照得兗州曲  
阜縣亞聖克國公陋巷故宅理合一體禁約省部  
合行出榜省諭諸人毋得輒入本所褻瀆騷擾若  
有違犯之人所在官司嚴行究治施行須至榜示  
者

右榜曉諭諸人通知

至大四年九月

國朝

辯證宗子勘合

兗州府曲阜縣近承奉本府帖文為冤枉事承奉  
山東等處承宣布政使司劄付承准  
禮部格字一百四十一號勘合前事准都察院咨



正統十一年五月初九日山東道呈抄蒙本院等衙門案驗刑科抄出兗國復聖公五十九代孫顏希仁奏始祖兗國復聖公傳至四十八代經兵止存一祖顏端所生一子顏繼八世傳五十七代孫顏池世居陋巷故宅主祀洪武三十五年故伊子顏拳主祀於宣德元年故臣係顏拳嫡子繼承主祀其顏希顏紹宋金之時原係泰安州禹村保住人顏拱之孫離陋巷故宅一百里居住元時有顏希孫顏泉顏紹孫顏昇徙居曲阜縣張陽泗濱二社籍居各蓋祠堂各立宗圖各書為長後顏泉

顏昇絕嗣祠堂倒塌神像暴露泰定三年御史段傑建言徙顏泉祠堂神像於陋巷故宅宗圖因其差訛打毀埋瘞永樂年間被水衝出本縣典史王旭拖至陋巷接立惟顏繼十世傳至臣世居陋巷故宅主祀因見祖廟倒塌春秋缺祭本縣世職知縣孔公鏜不與分豁脩理臣自行告奉勘合重脩將完有知縣孔公鏜不忿捏奏臣詐稱主祀嫡孫蒙山東布政司委右叅政孫子良前來查考顏文廟庭事紀明白回報外有踈遠支子顏希筠又行朦朧捏奏顏希十世孫顏希惠應合主祀臣又赴



通政司狀告送禮部發山東布按二司官體勘應  
合臣主祀回報該部去訖有希筠欺祖紊宗奸詐  
百出又行捏詞妄奏蒙差御史馮靖等官體問各  
官不依原行公論亦不依廟庭事紀考查分豁大  
宗餘枝止憑三族徙居各立宗圖另支子顏希德  
主祀將臣拶打逼要虛搗打毀碑石陋巷原無廟  
宇誣告等情枉問流罪納米外今被顏希惠於臣  
陋巷祖業宅內占蓋房屋居住逼臣出居思得被  
御史馮靖等朦朧枉問故紊大宗小宗主祀不明  
委是冤枉等因具本該通政使司官具奏奉

聖旨該衙門知道欽此又該通政使司送告顏希筠山  
東兗州府曲阜縣新張社顏子五十九代孫狀告  
有本宗族人顏希仁詐稱主祀嫡孫被本縣知縣  
孔公鏗具

奏蒙差御史馮靖會同山東布按二司左布政使等  
官洪英等查考得顏希仁並不係主祀嫡孫着令  
本宗族人顏希惠為主祀嫡孫今顏希仁又行朦  
朧赴京妄生事端切思顏希仁偷盜祖廟官木以  
致先祖貞素夫人寢殿不能蓋造昏賴供祭田土  
有缺祭奠等因訴訟到道查得先該禮部咨該顏



希仁訴稱知縣孔公鏗妄奏希仁詐稱主祀嫡孫  
被布按二司委官會同衍聖公孔彥縉不依公論  
令踈遠支子顏希惠主祀將希仁逐趕離廟等因  
到部又行該山東布政司咨呈會勘得顏希仁世  
居陋巷合當主祀今顏希筠又告顏希仁不應主  
祀節次奏告頻煩彼此各執一詞况山東布按二  
司勘報不一合無行移都察院差公正御史一員  
前去山東公同布按二司堂上官查勘顏氏宗系  
圖碑廟庭事紀次序的確緣由仍拘顏氏子孫并  
在鄉年高耆老人等及拘審知縣孔公鏗并帶取

本縣始末文卷考查比先顏希仁詐稱主祀嫡孫  
緣由務要分割定奪明白必合公論杜絕訟端若  
各人不服體勘再行構詞及先次經該官員人等  
中間有扶捏情弊者通行拏問具

奏本部官具題奉

聖旨是欽此已差監察御史馮靖前去會同山東布按  
二司左布政使等官洪英等拘集顏氏子孫顏楷  
等查得顏希仁係繼祖末枝不當主祀顏希惠係  
希祖下嫡孫合應主祀明白已將顏希仁等問擬  
徒杖罪名發落具由回



奏外今顏希仁顏希筠又各奏訴前因仍俱未委虛  
的欲備抄各奏訴情詞將顏希仁顏希筠發回巡  
按山東監察御史王永壽就委右布政使吳存按  
察司僉事蕭啓本院仍行禮部於郎中等官內選  
委的當官一員前去會同各官親詣兗州府曲阜  
縣照依各奏訴事理拘集顏氏宗族耆年子孫并  
在鄉高年耆老人等及同弔本縣始末文卷從公  
逐一查理及稽考顏氏宗系圖碑廟庭事紀要見  
顏氏子孫何人果是嫡派應為主祀務在合乎公  
論分割定奪明白庶使先賢宗祀不失其正未敢  
請定奪緣係差官會勘先賢子孫互爭主祀事理未  
敢擅便本院官具題奉

聖旨是顏子廟宗祀年久如今他每怎麼這等紛爭既  
顏希仁顏希筠見在不必再差官去覆勘恁都察  
院同禮部戶部堂上官便拘他每追要各人所收  
宗系圖碑廟庭事紀并堪信文憑及各家世居處  
所逐一體究明白就研審他每自洪武永樂年間  
以來陋巷果係何人居住主奉祭祀耕種供祭田



王將審實情由并宗圖等項文書一發來看但狗  
情廢公致彼此仍前紛爭都不饒欽此欽遵會同  
禮部等衙門尚書等官胡濙等查得石刻宗系圖  
一本內開四十九世分三祖長曰希祖次曰紹祖  
次曰繼祖三祖子孫皆列于下又石刻宗派圖一  
本分三祖却補長曰繼祖次曰希祖又次曰紹祖  
刻繼祖子孫於下又廟庭事紀一本三冊內開世  
系仍長繼祖次希祖又次紹祖并合族長幼世次  
其餘碑圖前後不一難以考信又查得顏希仁所  
收衍聖公劄付六道曲阜縣下帖一道俱係顏希

仁祖顏池父顏泰及希仁主祀時給付文憑及顏  
希仁供稱自父祖以來世居陋巷故宅主祀止是  
耕種官田七畝又據顏希筠供稱與顏希惠同祖  
在新張社居住並不曾耕種供祭田土止有供祭  
田一頃見被顏希仁耕種本人稱係納糧田土不  
係供祭之數各執一端參看得前項宗系圖止稱  
乙卯年不計年號今換係元延祐二年五十二代  
孫族長顏泉同族人立委係在前可考宗派圖是  
至治二年寧陽縣西臯村祠堂內所立係在後廟  
庭事紀世系元統三年五十六代孫之恪重刊又



在後開西皋一枝又補宋金之際四十九代繼祖  
一枝徙居寧陽西皋村遂立家廟村之北廟庭四  
碑其一宗系圖及世系皆遵所自出繼祖居前難  
以憑據其主祀一節又按顏氏廟庭事紀內開金  
大定十四年禮官議得顏廟獻官或族長及有官  
爵者充今顏希仁既無官難以主祀顏希惠亦非  
族長俱難主祀合無照依古禮另選子孫年長者  
一人立爲宗子主祀其供祭田土令其照勘如果  
顏希仁古耕遺給主祀之人以備祭用顏希仁見  
居陋巷故宅仍令居住緣係御該奉

欽依將審實情由并宗圖等項文書一發來看事理未  
敢擅便定奪今將各人所收宗系圖碑廟庭事紀  
等項文書通行封

進開坐正統十一年五月初六日本院等衙門官具  
題次日奉

聖旨舊時宗系宗派碑圖是他各派主祀的人自立各  
寫他的祖爲長都難憑信廟庭事紀世系頗明白  
但歷數十代也難辯支嫡既自我朝洪武永樂洪  
熙宣德年間以來俱係顏希仁父祖主祀世居陋  
巷看守脩理廟宇耕種近廟田土只照舊着顏希



仁主祀陋巷見有房屋田土都與他住種着謹守  
禮法表率族人恭脩祀事族人中果有冠帶年長  
有德的臨祭時聽他相讓行禮今後敢有捏詞紛  
爭及同謀陷害他的都治以重罪便行文書與他  
通族人遵守自前他族人不曾相爭及訐告譜系  
差錯的顏希筠原不在陋巷居住又不係應主祀  
子孫怎麼節次代人爭告打三十竹篦發國子監  
洒掃廟庭三年顏希惠着回舊處居住再聽人主  
使妄告的都不饒宗圖宗系文書還他收掌欽此  
除欽遵外備咨到部合行本司轉行顏氏通族人

一體欽遵施行備承移付准此擬合就行劄付本  
府轉行顏氏族人照依欽依內事理一體欽遵施  
行除外合行帖仰本縣着落當該官吏照依勘合  
內事理一體欽遵施行奉此擬合就行爲此除外  
合行帖仰顏氏主祀嫡孫顏希仁文書到日照依  
勘合內事理一體欽遵主祀施行

正統十一年七月二十七日

唐

豪州刺史上柱國顏元孫墓誌銘

誌



銘曰琅琅世文明德是矩孝以仁親忠期輔主周  
專旋禮法精究訓詁行懋珪璋文彪龍虎高標天府  
震耀區宇前載千官欬覩王畿就列赤縣斯  
偃揀華文輝灑翰如雨洛陽毗貳作布武載筆  
龍樓光龜組玄宗褒異發傳伍不入夜垣翻  
飛江潁淮沂其又典憲斯侮望閑爰歸優游不吐  
名公虛左濠上爰撫方俟同弁遽愆多祐一麾屢  
黜百贖爰補翼子多方教忠則騰吁嗟太係為國  
千擔取義舍生悲今邁古皇恩自葉超贈秘府存  
沒哀榮幽明赫眎真鄉追痛銜恤靡怙銘功

恨非覲縷

開元二十二年顏真卿撰

左衛率府兵曹賜緋魚袋顏幼與墓誌銘誌

銘曰兵曹樂只於穆不已華州之孫少保之子温

温體度嶷嶷容止非禮勿言唯德是揆人倫領袖

宗廟靈盥佩服典常顯精文史汾睢藏事新息入

仕忠益上官摠持綱紀奉養繼母必躬珎旨綏族

糾宗群居咸喜哥舒授律石堡侯倚命我翊戎寵

章斯被鯤溟未運鴻漸伊始不與之年云如何瘦

宗敬安仰嗣徽昭美合葬既遵從周有斐予嗟窘



東不獲躬視寫恨立銘告哀中祀

天寶九年顏真卿撰

贈太子太保謚忠節朝散大夫太常寺丞兼

常山太守顏杲卿墓誌銘

誌缺

銘曰太保烈烈抗茲忠節徇國義形見危身殺玄

宗仗信售詐兇羯寵極災拯稱兵向闕河朔鼎沸

潼關晝閉天下寒心王旒若贅地豕十萬淬入霜

雪公以眇身毅然奮發逆黨株送土門披挾人知

効忠國用不艱恩寵三座榮加九列王命來臨孤

城已滅身懸鋒刃口詈不絕先聖感忠保儲贈揭

刻諸金石恩表墓綴遠莫致之留斯江燕日月有

既徽猷無缺

乾元六年顏真卿撰

正議大夫上柱國金鄉縣男顏允南墓銘

銘曰莊嶽熊渾清沂駿奔英靈孕育生我仲昆維

我仲昆邦家之藩孝仁是履愷悌是惇清識冰澈

韶儀玉溫詞華藻絢翰墨雲繁通究理體精詳政

源爰初發跡屢振瑤琨尉邑何陋評廷不寃衮衣

補闕繡服榮敦神州列掾會府掌屯司膳王封迴

簿飛騫乃佐教胄載光儒門未登鼎鼎奄謝鴻駕



伊昔不造實賴能存下光棟莠上繁晨食惟君教  
導曷惠極援今既絕矣哀摧忍言何以真懷勒銘  
忠護垂諸來裔翼子謀孫

寶應元年顏真卿撰

侍御史克荆南行軍司馬朝請大夫勳上柱

銘曰國類允臧墓誌銘

誌缺

英靈自有靈於世

銘曰嗟嗟予季特稟純粹曰孝與仁因心則至友  
由悌睦禮用和貴地地美言嶽岳高義行絕枝葉  
心無陂詖經德秉彛拔萃出類環衛入仕牽絲作  
尉沈愛與人檢莊莅事一作象雷六為天吏豪右

褶威憲臺增氣群公虛右天子思媚守挹讓郎得  
仁奚懟司刑棘寺理法明賁儲闡載升亞尹斯位  
七德繫理萬人攸旣黃髮未登青雲方致云如不  
淑奄忽云諱國喪威寶家摧脛臂以此思哀我生  
奚寄反葬何所先隴之次灞水東流終峰北擊勒  
銘金石盛烈無墜

廣德三年顏真卿撰

光祿大夫太子太師上柱國魯郡開國公顏

真卿墓誌銘

誌缺

銘曰天祚聖唐降賢救時烈烈魯公毓德膺期巖



峙玉真伊傳之師文武忠信天子是毗亦既升朝  
侃然正色潤我王度作藩于德賊為豺虺流蔓下  
國公整王旅殄掃妖慝解紛以和柔道以忠萬里  
狂飈半為淳風君子知微遇變則通全■庶人入  
奏宸聰乃副丞相是司喉舌周旋七命內外胥悅  
營營青蠅不害其潔危行高峻保茲明哲用啓土  
宇俾侯于■式是百辟彛倫攸叙亂靡有定盜擾  
淮浦帝曰汝賢代予宣撫孰不懷忠處死難之於  
赫我公視險如夷猛獸斷斷履之不疑扇彼薄俗  
惟緝惟熙昔在申伯作藩周室詩人歌頌尚播聲

律矧我文忠人之紀綱功侔四時節貫雪霜煥十  
立言沒而彌彰日居月諸垂範無疆  
正議大夫行太子右庶子史館脩撰上柱國晉昌  
縣男令狐峘撰

國朝主奉祀事顏公墓誌

按公諱拳字克膺究國復聖公五十八代孫也高  
祖諱寶曾祖諱椿祖諱之美字宗德仕元任東明  
縣尹祖妣孔氏考諱池字德裕仕元任宣德路儒  
學教授妣程氏張氏生二子長曰拳次曰榦榦早  
逝當元季擾攘棄官歸鄉里居陋巷守祖廟主祀



事春秋釋奠率族人盡心竭誠未容少怠及  
聖朝洪武年間任孔頴孟三氏教授仍前主奉祀事考  
卒公繼承父志勇於有為凡祭祀事牲醴獨潔視  
前有加雖宗族共辦而公之倡勸居多祖庭歷經  
歲久殿宇摧毀傾圮會議宗族各率子弟親執畚  
鍤計損壞之處力可及者必脩完之惟正殿工費  
浩大乃具奏

朝廷蒙

准脩理行下該縣計工料迴報不幸嬰疾竟以長逝  
志不獲伸惜哉鄉里宗親遠邇朋舊莫不慟悼享

年五十有七生於洪武三年九月十五日卒於宣  
德元年十二月二十九日娶孔氏宣聖五十六代  
孫孔士岩之女生男一人曰希仁通達有幹才女  
二長適同邑王宣任淮安府儒學訓導次幼在室  
繼娶陳氏生女一人在樞祿孫男二人曰議曰讚  
孫女二人希仁以姻婭之好托余據其實而納諸  
壙中以示於後故不辭而為之誌云

孔頴孟三氏教授同學錄王壙撰  
故前翰林院世襲五經博士脩職郎顏府君

墓誌



府君諱議字定伯究國復聖公六十世嫡孫也曾  
大父諱池字德裕仕元歷任宣德府儒學教授山  
陽縣主簿三氏子孫教授大父諱拳字克膺父希  
仁字士元明經博覽隱處弗耀先後俱居陋巷主  
奉祀事正統以來宗系為別族所亂大父君力辯  
之數十年而未定府君幼而警慧言動不苟大府  
君深器之嘗謂人曰正吾家之宗派主吾祖之祀  
事其在是兒乎既長踐履篤實歷練明遠事至物  
來如庖人視牛洞析肯綮殆無疑也交友以敬終  
始惟一善於談論疊疊不倦遇權貴勢要畧無挫

志鄉鄰有飢者食之寒者衣之婚喪不能舉者資  
之其救人之急類如此天順間府君復以宗系不  
定

聞于朝

命下廷臣集議皆舉大府君正統時辯證已蒙

聖斷以洪武永樂以來世居陋巷為定歲壬午上

聞詔允其請遂授前職仍令主奉祀事輿論歸之每歲

聖節赴京

朝賀或

賜肉筵或給路費



寵眷非一

恩至渥也成化改元乙酉

天子視學

勅禮官行取三氏子孫襲封衍聖公陪祀

先聖先師禮成

上御文華殿

面賜冠帶宮錦襲衣宴于禮部于時

朝賀未有宅第未給腳力府君入

奏可之

賜以東安門外官舍一區水陸往還給以腳力永為

定制前此未有成化丁酉歸老于家子公錄以嫡

應嗣如府君官職弘治改元戊申復舉視學之典

公錄偕三氏子孫至京一如府君

恩例何其榮且幸歟母陳氏里人陳貴之女有淑德

昆季三人行一生於永樂戊戌六月二十八日卒

於弘治癸丑二月十九日得壽七十有六配杜氏

晉府教授貞之長女慈惠柔嘉老福安然男三人長

即公錄今世襲翰林五經博士娶山西布政司右

叅議孫昱長女仲曰公銅早逝季曰公錢娶宣聖

五十八世孫孔公春次女克紹先業亦能子也



一人適宣聖五十八世孫孔公慎長子彥富男孫  
 七人重德重禮重道重賢重清重文重章皆森然  
 玉樹所就未可量也女孫四人以今年五月二十  
 一日公錄扶觀歸塋祖塋懼恐其久而潛德弗彰  
 托三氏學學錄孔公璜輔文所狀事行請銘于余  
 余忝教三氏不得已遂為之誌銘曰  
 不辱以承其先不倦以傳諸後宗系以之而定世  
 官由之而作宜身壽祉而竟止于斯冥冥所施又  
 將誰尤  
 孔顏孟三氏子孫教授司教授河汾以王珙撰

主奉祀事顏公墓表

公諱池字德裕初任山陽縣主簿繼任宣德府教  
 授孔顏孟三氏子孫教授祖諱椿仕元任祖廟監  
 脩提領父之美字宗德初任天成縣教諭繼任益  
 都路學正再轉廬州路教授陞文林郎東明縣尹  
 三子長曰渙次曰灤次公也公二子長曰奉次曰  
 榦榦早逝女四人長適曲阜縣世尹孔克當次子  
 希幹餘皆適名族孫男一人曰希仁孫女三人長  
 適淮安府學訓導王宣係孔顏孟三氏子孫學錄  
 王墉子也餘在室曾孫女二人於戲公生為名族



歷官多方沒者馨香光賁閭里可謂克紹家聲而不墜祖風者矣其流芳衍慶茂被宗族也宜哉

故主奉祀事顏公墓表

居陋巷主奉祀事顏公捐館之四年是為

大明宣德之五年也其孤希仁以學錄王先生所撰墓誌行實再拜稽顙來告孤不幸早失怙恃上無伯叔中鮮兄弟夙夜哀思有懷二人罔極恩深無繇補報潛德弗耀未獲表揚誠天地中之罪人耳茲欲刻石敢以文請言既涕零余惟天經地義不越於孝顯親揚名必資於文以是心至可謂能子也

已按狀公諱拳字克膺姓顏氏復聖公五十八代孫也高祖諱寶曾祖諱椿在元為祖廟監脩提領祖諱之美仕元任天成儒學教諭陞益都學正盧州路教授父諱池字德裕仕元任宣德路教授文章政事具載廟庭事紀池生二子曰拳曰榦榦早逝拳即克膺倜儻豪邁不拘小節能幹蠱喜談論商確大義洞合軌範統領家務井井有條宗族以孝稱鄉黨以弟譽凡遇祭祀竭其誠敬賓客往來傾資弗吝人有喪事匍匐往赴家門重輕悉在掌握間中風致酒邊棋局蓋兼有之嘗自謂曰吾祖



簞食瓢飲屢絕而不改其樂吾雖不能效頻於萬  
一敢不以清白自守用是敬畏小心無敢自怠禮  
義則日知其所未知節文則日謹其所未謹富貴  
利達畧不動心人咸服其襟度惜乎年不配德僅  
五十七歲而止其生也洪武三年九月十五日其  
卒也宣德元年十二月二十九日娶孔氏宣聖五  
十六代孫士岩女柔嘉貞淑克配華胄子即希仁  
有巧思聰慧敏洽綽有父風女二長適淮安府學  
訓導王宣士族也次在室繼陳氏溫柔詳雅女一  
在襁褓中孫三曰議曰讚曰諭俱讀書可造嗚呼

顏氏三門自復聖而下一千八百餘年清白相繼  
歷六十餘代綿綿翼翼愈出愈奇上有令祖下有  
賢孫其所由來遠矣詩云孝子不匱永錫爾類其  
孝可謂源源而不竭矣謹將事實次第於右俾觀  
者有以知其公之爲人銘曰  
美哉顏氏復聖之孫儻豪邁與衆不群主奉祀  
事必躬必親統領家務有要有倫言談舉止動合  
軌輪宗族鄉黨孝誼惟均勤以幹蠱和以奉賓棋  
局笑傲弗計朝曠婚姻死喪匍匐遄臻富貴利達  
視若浮雲簞瓢陋巷給祖傳孫刻銘斯石君子攸



開宗明義軍傳則亦餘跡也  
將仕郎孔顏孟三氏子孫教授司教授廣平張敏  
撰錄宗卷傳則亦餘跡也

故主奉祀事士元顏先生墓表  
究國復聖公廟在曲阜陋巷里顏氏子孫世居廟  
下主奉祀事入

國朝每遇  
朝廷行大禮念先賢之後因心必須及焉先生諱希仁  
士元其字別號景哲叟而曰祖之美元東明縣尹祖  
池元宣德府儒學教授山陽縣主簿三氏學教授

父奉力田不仕先生自幼聰穎秀異嶷嶷群兒中  
稍長遊三氏學讀書習禮日有進益教授廣平張  
先生敏學錄里中王先生壩俱嘉獎之既壯益博  
覽經史言論英發雅好賓客周窮恤匱尤篤意祖  
庭事見義勇為宣德癸丑至京屢上言祖庭顏祀  
貧不能脩

朝廷特詔有司發帑葺一新廟宇擴其規模

御製碑文光耀永遠正統中以族人困於里役具述  
恩例陳戶部移郡縣悉與更定除豁前元賜贍廟田  
三十餘頃兵燹後為豪猾侵種白之當道轉聞於



朝悉復其舊仍撥賜佃戶十餘納租供祭人皆謂先生有功祖庭不愧主祀者也正統中族人奏爭主祀先生具述源委以聞中以越人因外里對具本朝廷命各取其譜牒大臣爲之辯證其狀對聖斷洪武永樂以來世居陋巷者俾爲主祀議遂定天順壬午歲歲歲祭至正京縣王言財或勝也英宗皇帝命主祀者一人世襲翰林院五經博士異數也時先生已卒先生之子議遂蒙始封尋坐罷孫公錄繼襲焉人又以此天所以報先生也先生生洪武丙子正月十七日卒景泰丙子十二月三

太日享年六十有一葬顏林先塋之次配陳氏有淑行生年與先生同後先生十年卒得生年七十有一附葬焉子男一長即議始授翰林院五經博士次讀諭女二人闕里孔公至公常其婿也孫男五長即公錄襲翰林院五經博士次公鍾公錄公鈇公鈇曾孫七人先生之塋已久議欲刻先生之遺行墓上未有書之者礱石以俟公錄承父命屬三氏學錄孔君輔文述行實介其端家南京大理寺丞魏君廷珮求余爲表余惟先聖設教杏壇顏氏在弟子之列者凡八人迄今二千餘年歷戰國遠



漢唐宋顏氏子孫之賢者文行忠義載史冊前後  
相望固不可謂無人然顏廟主祀非取之世居曲  
阜者公論亦何所定哉此公其故宅南京大野  
聖明之斷昭如日星群議雖多水消霧散矣亦先生積  
誠祖廟有以遂承之歟惟後之子孫尚亦務學脩  
德克已復禮繼前入統緒之傳春公鯁公鯁公鯁  
聖明崇重之典則宗祀之承可永無斁矣表之墓石用  
勸後來  
賜進士及第朝列大夫南京國子監祭酒前  
太子洗馬兼

經筵官同脩

國史泰和羅璟撰



山卷誌卷八終

陋巷誌後序

右顏子陋巷誌一帙共八卷前  
侍御鄭州曹公伯良托舊提學  
憲副陳均宗之彙集古今事蹟  
而成之也若歷代尊崇之典與  
夫世系疏戚及先後章奏題詠



製作立例分類備載孔悉其用心厚矣今侍御零陵胡公國信代至按治因披閱誌圖謂陳均已言弁諸首而末簡尚在荒缺或未免為全書之病也迺復授責于予昔孔門從遊三千而劉明純粹獨能入室以傳聖道者惟先師顏子一人而已故夫子嘗許其好學且謂用舍行藏獨與已同而他日又告以帝王為治不易之大法夫豈無所試哉使孔子得升堯舜之位則顏



子當與稷契皋夔匹儔無難也  
惜乎天不假年賫志蚤歿蓋有  
莫之為而為者寓矣顧其暢元  
聖之風規發人倫之耳目若周  
濂溪所謂教萬世無窮者其真  
在先師一人哉噫教之所在道

之所在也萬世受教而無窮則  
固宜尊崇于萬世而弗容後矣  
禮謂有功烈於民者則記之矧  
先師可以功烈槩論乎哉今夫  
遺宅故居畢登紀載茂林滌井  
駢萃繪圖他至廟堂庖湍亭榭



池館及子孫奕葉名數咸次第  
採錄而無愆遺庸非所以申吾  
人崇重之意以期垂著千萬世  
相承而不墜也哉然則圖誌之  
作信非為侈大之文具也雖然  
脩園廟祠舊宅增田廬以及蠲

賦免役皆盛世嚮治之美政也  
顧政必待人而後行人必賢而  
政斯克舉胡公廉明英毅臺綱  
振肅而於先師被荷國典凡所  
宜敦脩者又惓惓焉若是乎鄭  
重尤可以見輔翊哉



聖朝右文崇教之意而秉彛好德之  
在人心有不容自己者固如是  
也於戲文教隆而風俗厚吾又  
有占世道之愈臻治理于無疆  
矣哉

正德戊辰春二月吉日

賜進士第中順大夫奉

勅提督學校山東等處提刑按察

司副使前翰林院

國史檢討

經筵官上蔡李遜學撰



...

...

...

...

督工官歷城縣縣丞張惟  
膳對濟南府學生員金珮

霍崧





